

INUIT ATAQATIGIIT

INATSISARTUNI



Nuuk, 12. marts 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.
(Inatsisartuni ilaasortaq Naaja H. Nathanielsen, Inuit Ataqatigiit)

Apeqqutit:

- 1. Avatangiisinut suliassa qarfiup tungaatigut suliniutinik naammassinninnuitut avatangiisinut aningaasaateqarfik nutaaq Naalakkersuisunit suaarutigineqarpoq. Ukiuni 2015-imi, 2016-imi aamma 2017-imi avatangiisinut aningaasaateqarfik qanoq amerlatigisunik aningaasaliiffigineqassasoq Naalakkersuisut ilimagaat?**
- 2. Eqqaavissuarni, illoqarfinni nunaqarfinnilu saliinissaq, kiisalu isumannaatsumik ikuallaasarnermut aaqqiissutissat aallunneqarnissaat pillugu Kommune Kujalleq aamma Namminersorlutik Oqartussat iliuusissanik nalunaarutiorput. Isumaqtigiissusiorneq qaqugu naammassinneqassangatinneqarpa isumaqtigiissutillu sunniutai pillugit qaqugu naliliisoqassasoq naatsorsuutigineqarpa?**
- 3. Aatsitassarsiornikkut massakkut ingerlanniarneqartut arlaannaasaluunniit nukissiuutinik ataavartunik atuiumanginnerat Naalakkersuisut naammagisimaarpaat?**
- 4. Aatsitassarsiornermut periusissiami allassimavoq "kissattoornermi gassit aniatitaanerisa sapinngisamik annikillisinnaarnissaat" Naalakkersuisut sulisutiginialersaaraat.¹ Naalakkersuisut qinnuigissavakka oqaaseq "sapinngisamik" qanoq paasineqassanersoq erseqqissaqqullugu – angusaqarluarusussuseqarneq qanoq annertutigisoq pineqarpa?**

Tunngavilersuut:

Avatangiisinut Naalakkersuisoq martsip ulluisa 11-anni tusagassiorlutik katersortitsivoq. Kisianni avatangiisinut suliassa qarfiup tungaatigut tigussaasunik suliniuteqartoqalersaarnera takujuminaappoq. Eqqagassalerineq annertunerusumik kingumut suliffiginiarneqalersaartoq erseqqippoq. Aningaasaliinermulli tunngatillugu taamaallaat eqqaaneqarpoq 2015-imi avatangiisinut aningaasaateqarfik pilersinneqassasoq. Pisariaqartitsinermulli avatangiisinut aningaasaateqarfip tamatuma matussutaasinnaanera qularnarlunnarpoq.

Piujuartitsineq tunngavigalugu aaqqiissutinik sunik aatsitassarsiornikkut suliffeqarfinnut Naalakkersuisut piunasaqaateqarniarnersut oqaaseqarfigineqanngilaq. Siuneq Best Available Technology (BAT) Naalakkersuisut nalinginnaasumik sammivaat, isumaga malillugu ingerlatassatut pilersaarutit qularnangitsumik aniatitassaasa avatangiisinullu sunniutissaasa erseqqinnerusunik najoqqutassiorfigineqarnerannik erseqqinnerusunillu titarnermik killiliussaaffigineqarnerannik tapertaqartinneqartariaqartut.

Maannangaaq kissaatigissavara ullut suliffiusut qulit qaangiutsinnagit apeqqutikka akineqareersimassasut.

¹ Kalaallisut saqqummersitami qupperneq 92.